

內經運氣病釋

世補齋醫書 內經運氣病釋四

元和陸懋修九芝釋

子潤庠鳳石參校

至真要大論篇

厥陰司天風淫所勝

此以巳亥歲半以上風化於天而言也

民病胃脘當心而痛上支兩脇鬲咽不通飲食不下舌本強食則嘔冷泄腹脹溇泄瘦水閉病本於脾

此以肝邪乘脾故諸病皆見於己土也

風淫所勝平以辛涼佐以苦甘以甘緩之以酸寫之

此以風爲木氣惟金能勝故治以辛涼辛從金化涼爲金

氣也而過於辛則反傷其氣故佐以苦甘苦以溫金甘以益氣也經曰肝苦急急食甘以緩之又曰以酸瀉之

風化於天清反勝之治以酸溫佐以甘苦

此以風木之化而反爲金之清氣勝之也酸爲木之同氣溫以制清也甘以緩肝之急苦以溫金之清

厥陰在泉風淫所勝

此言寅申歲半以下風司於地爲火風之氣也

民病洒洒振寒善呻數欠心痛支滿兩脇裏急飲食不下脣咽不通食則嘔腹脹善噫得後與氣則快然如衰身體皆重此以木邪淫勝而脾胃受傷爲病也

風淫於內治以辛涼佐以苦甘以甘緩之以辛散之
此以金能勝木故治以辛涼然辛勝恐傷其氣故必佐以
苦甘苦勝辛甘益氣也經曰肝苦急急食甘以緩之肝欲
散急食辛以散之

風司於地清反勝之治以酸溫佐以苦甘以辛平之

此以木不勝土而反爲金氣之清者勝之也以酸之與木
同氣者用溫以制金之清卽以苦之從火而化者佐甘以
緩木之急凡木之正味其補以辛金之正味其瀉以辛故
可兩平之

少陰司天熱淫所勝

此以子午歲半以上熱化於天而言也

民病胸中煩熱噤乾右肱滿皮膚痛寒熱欬喘唾血泄衄
衄嚏嘔溺色變甚則瘡瘍肘腫肩背臂膊及缺盆中痛心痛
肺臃腹大滿膨膨而喘欬病本於肺

此以金受火傷故諸病皆見於肺也

熱淫所勝平以鹹寒佐以苦甘以酸收之

此以熱爲火氣性水能勝故治以鹹寒鹹從水化也其佐
苦甘者苦能泄熱甘能瀉火也熱越不斂故以酸收經曰
心苦緩急食酸以收之

熱化於天寒反勝之治以甘溫佐以苦酸辛

此以君火之化而反爲水之寒氣所勝也甘能制水熱能制寒故治以甘熱寒得苦而溫亦得辛而散故佐以苦辛火爲水勝則心苦緩故宜酸以收之

少陰在泉熱淫所勝

此言卯酉歲半以下熱司於地爲燥火之氣也

民病腹中常鳴氣上衝胸喘不能久立寒熱皮膚痛目瞑齒痛煩腫惡寒發熱如瘡少腹中痛腹大

此火氣奔動於中乘肺及胃金水受傷陰陽爭勝而上中下三焦俱病也

熱淫於內治以鹹寒佐以甘苦以酸收之以苦發之

此以水能制火故治以鹹寒也甘勝鹹所以防鹹之過苦
能泄所以去熱之實也熱越而不能斂則以酸收之熱鬱
而不能散則以苦發之

熱司於地寒反勝之治以甘熱佐以苦辛以鹹平之

此以火不勝金而反爲水氣之寒者勝之也甘勝水熱制
寒而又佐以苦辛寒得苦而溫亦得辛而散也火之正味
其補以鹹水之正味其瀉以鹹故可兩平之

太陰司天淫淫所勝

此以丑未歲半以上淫化於天而言也

民病胛腫骨痛陰痺陰痺者按之不得腰脊頭項痛時眩大

便難陰氣不用饑不欲食欬唾則有血心如懸病本於腎

此以水爲土克故諸病皆見於腎也

溼淫所勝平以苦熱佐以酸辛以苦燥之以淡泄之

此以溼爲土氣惟燥能勝故治以苦熱酸從木化用以制土而必酸辛並用者辛勝酸所以防酸之過也苦從火化火能助燥經曰脾苦溼急食苦以燥之淡滲者利竅以去溼也

溼上甚而熱治以苦溫佐以甘辛以汗爲故而止

此溼鬱於上而成熱也治以苦溫者欲其燥佐以甘辛者取其汗適復其故卽止戒過汗也

溼化於天熱反勝之治以苦寒佐以苦酸

此以溼土之化而反爲火之熱氣勝之也苦寒以祛溼熱苦酸以瀉木火酸爲木之正味木位之主其瀉以酸木平則熱亦散矣

太陰在泉溼淫所勝

此言辰戌歲半以下溼司於地爲寒溼之氣也

民病飲積心痛耳聾渾渾痺痺瘰癧陰病血見少腹痛腫不得小便病衝頭痛目似脫項似拔腰如折脾不可以回膈如結膈如別

此以寒溼乘心又土邪淫勝克水而三焦及腎膀胱俱爲

水藏故皆病也

溼淫於內治以苦熱佐以酸淡以苦燥之以淡泄之

此以燥能勝溼故治以苦熱也酸從木化所以制土淡與甘同所以益土故佐以酸淡又必苦燥淡泄者除溼而使溼有去路也

溼司於地熱反勝之治以苦冷佐以鹹甘以苦平之

此以土不勝水而反爲火之熱氣勝之也故以苦冷者抑木火之邪而卽佐鹹以除已甚之熱甘以補已衰之土平之以苦者苦從火化亦能溫土故可兩平之

少陽司天火淫所勝

此以寅申歲半以上火化於天而言也

民病頭痛發熱惡寒而瘧熱上皮膚痛色變黃赤傳而爲水身面胗腫腹滿仰息泄注赤白瘡瘍欬唾血煩心胸中熱甚則魀魴病本於肺

此金受火邪水不能制故諸病皆見於肺也當與子午年諸病參看

火注所勝平以酸冷佐以苦甘以酸收之以苦發之以酸復之

此以火卽熱氣惟水能勝與熱注同故平以酸冷酸能收逆氣寒能勝熱氣也其佐甘苦者甘以緩火之急苦以瀉

火之實也火盛則越以酸收之火鬱則伏以苦發之而又必以酸復之者恐發之過而未免傷氣也上文熱淫所勝當參觀之

火化於天寒反勝之治以甘熱佐以苦辛

此以相火之化而反爲水之寒氣勝之也治以甘熱甘能勝水熱能制寒也佐以苦辛寒得苦而溫亦得辛而散也少陽在泉火淫所勝

此言巳亥歲半以下火司於地爲風火之氣也

民病注泄赤白少腹痛溺赤甚則血便

此以熱在下焦故氣血兩見傷也餘與少陰在泉同候

火注於內治以鹹冷佐以苦辛以酸收之以苦發之

此以水氣制火故治以鹹冷與熱注同苦能泄火辛能散火故以爲佐酸收苦發者熱越則歛之熱鬱則散之也

火司於地寒反勝之治以甘熱佐以苦辛以鹹平之

此以火不勝金而反爲水氣之寒者勝之也甘勝水熱勝寒寒得苦而溫得辛而散火之正味其補以鹹水之正味其瀉以鹹故可兩平之

陽明司天燥淫所勝

此以卯酉歲半以上燥化於天而言也

民病左肱脇痛寒清於中感而瘧欬腹中鳴注泄驚澹心脇

暴痛不可反側噎乾而塵腰痛丈夫癰疽婦人少腹痛目昧
皆瘍瘡痊癒病本於肝

此以木受金傷故諸病皆見於肝也

燥淫所勝平以苦溫佐以酸辛以苦下之

此以燥爲金氣惟火能勝故平以苦溫苦從火化也佐以
酸辛者以酸瀉木而補金卽以辛瀉金而補木也苦下專
指腸胃燥結而言

燥化於天熱反勝之治以辛寒佐以苦甘

此以燥金之化而反爲火之熱氣勝之也辛寒所以泄熱
苦甘所以瀉火

陽明在泉燥淫所勝

此言子午歲半以下燥司於地爲火燥之氣也

民病喜嘔嘔有苦善太息心脇痛不能反側甚則噎乾面塵身無膏澤足外反熱

此以金邪淫勝甲木受傷故所見皆肝膽之病

燥淫於內治以苦溫佐以甘辛以苦下之

此以苦能降逆故治以苦溫經曰肺苦氣上逆急食苦以泄之是也木受金傷佐以甘緩辛則木補金瀉兩得之矣腸胃燥結非下不可急下之法非苦不可

燥司於地熱反勝之治以平寒佐以苦甘以酸平之以和爲

利

此以金不勝木而反爲火氣之熱者勝之也燥金之性惡熱而畏寒故用平寒者以瀉火而佐以苦卽佐以甘以甘能除大熱也金衰故用酸以補金位之弱卽用酸以收浮越之火故可兩平之以和爲利者言不可過也

太陽司天寒淫所勝

此以辰戌歲半以上寒化於天而言也

民病血變於中發爲癰瘍厥心痛嘔血血泄軌衄善悲時眩仆胸腹滿手熱肘攀腋腫心澹澹大動胸脇胃脘不甯面赤目黃善噫嗑乾甚則色始渴而欲飲病本於心

此寒水勝而邪乘心火受寒傷故諸病皆見於心也

寒淫所勝平以辛熱佐以甘苦以鹹寫之

此以寒爲水氣惟熱能勝熱從火化也然陰病惡燥故必兼以辛潤辛從金化水之母也經曰腎苦燥急食辛以潤之腎欲堅急食苦以堅之用苦補之鹹瀉之

寒化於天熱反勝之治以鹹冷佐以苦辛

此以寒水之化而反爲火之熱氣勝之也鹹冷以抑火而又佐苦以泄火辛以散火

太陽在泉寒淫所勝

此言丑未歲半以下寒司於地爲溼寒之氣也

民病少腹控舉引腰脊上衝心痛血見噎痛頰腫

此以寒淫於下腎膀胱自傷其類而水邪且上侮火府也
寒淫於內治以甘熱佐以苦辛以鹹寫之以辛潤之以苦堅
之

此以土能勝水熱能勝寒故治以甘熱甘從土化熱從火
化也經曰腎苦燥急食辛以潤之腎欲堅急食苦以堅之
用苦補之鹹瀉之

寒司於地熱反勝之治以鹹冷佐以甘辛以苦平之

此以水不勝火而反爲淫氣之熱者勝之也鹹冷以抑火
甘以瀉火辛以散火也苦從火化而又爲水之正味故可

兩平之

世補齋醫書 內經運氣病釋五

元和陸懋修九芝輯

子 潤庠鳳石參校

至真要大論篇

厥陰司天

此以巳亥歲半以上客主之氣有勝無復言也

客勝則耳鳴掉眩甚則欬

此言客初氣燥金勝客二氣寒水勝客三氣風木勝也風
勝則耳目病燥勝寒勝皆能致欬

主勝則胸脇痛舌難以言

此言主時三氣木火勝客也木勝則胸脇痛肝與膽爲表

裏也火勝則舌難言心開竅於舌也

厥陰之客以辛補之以酸寫之以甘緩之

辛補酸瀉與主氣同甘緩者經曰肝苦急急食甘以緩之也

木位之主其寫以酸其補以辛

木性升酸則反其性而斂之故曰瀉木喜達辛則助其氣而發之故曰補經曰肝欲散急食辛以散之用辛補之酸瀉之

厥陰在泉

此以寅申歲半以下客主之氣有勝無復言也

客勝則大關節不利內爲痙強拘瘓外爲不便

此言客四氣燥金勝客五氣寒水勝客終氣風木勝也寒勝則太陽經病風燥勝則血不榮筋

主勝則筋骨繇併腰腹時痛

此言主時土金水三氣勝客也金燥勝則木病故風動而拘急水寒勝則太陽經病土溼勝則太陰經病

厥陰之客

辛補酸瀉甘緩治與巳亥厥陰司天同

木位之主

酸瀉辛補治亦同巳亥司天

少陰司天

此以子午歲半以上客主之氣有勝無復言也

客勝則欬噫頸項強肩背贅熱頭痛少氣發熱耳聾目瞑甚則肘腫血溢瘡瘍欬喘

此言客初氣寒水勝客二氣風木勝客三氣君火熱勝也
寒勝則太陽所經之處皆病而兼見欬喘風勝則脾腹
腫熱勝則血溢瘡瘍

主勝則心熱煩躁甚則脇痛支滿

此言主時三氣木火勝客也火勝則煩躁木勝則脇痛滿
少陰之客以鹹補之以甘寫之以酸收之

鹹補甘瀉與主氣同酸收者經曰心苦緩急食酸以收之也

火位之主其寫以甘其補以鹹

火性速甘則反其性而緩之故曰瀉火欲熈鹹則順其氣而熈之故曰補經曰心欲熈急食鹹以熈之用鹹補之甘瀉之

少陰在泉

此以卯酉歲半以下客主之氣有勝無復言也

客勝則腰痛尻股膝脾腠胝足病瞫熱以酸附腫不能久立溲便變

此言客四氣寒水勝客五氣風木勝客終氣君火勝也寒勝則太陽經病木勝則筋酸肘腫火勝則洩便爲之變以火居陰分也

主勝則厥氣上行心痛發熱鬲中衆痺皆作發於肱脇魄汗不藏四逆而起

此言土金水三氣勝客也君火受制於羣陰故厥逆痛痺陰汗肢冷爲陰氣有餘也

少陰之客

鹹補甘瀉酸收治與子午少陰司天同

火位之主

甘瀉鹹補治亦同子午司天

太陰司天

此以丑未歲半以上客主之氣有勝無復言也

客勝則首面肘腫呼吸氣喘

此言客初氣風木勝客二氣火熱勝客三氣溼土勝也皆風溼熱爲病

主勝則胸腹滿食已而瞢

此言主時三氣木火勝客也主客初二氣相和故惟三氣溼土爲病

太陰之客以甘補之以苦寫之以甘緩之

甘補苦瀉與主氣同甘緩者經曰脾欲緩急食甘以緩之
土位之主其寫以苦其補以甘

土性溼苦則反其性而燥之故曰瀉土欲緩甘則順其氣
而緩之故曰補經曰脾欲緩急食甘以緩之用苦瀉之甘
補之

太陰在泉

此以辰戌歲半以下客主之氣有勝無復言也

客勝則足痿下重便溲不時溼客下焦發而濡寫及爲腫隱
曲之疾

此言客四氣風木勝客五氣君火勝客終氣溼土勝也風

溼熱俱勝故爲諸病

主勝則寒氣逆滿食飲不下甚則爲疝

此言主時土金水三氣勝客也金寒水冷客之木火足以敵之故惟見土溼之病

太陰之客

甘補苦瀉甘緩治與丑未厥陰司天同

土位之主

苦瀉甘補治亦同丑未司天

少陽司天

此以寅申歲半以上客主之氣有勝無復言也

客勝則丹胗外發及爲丹熛瘡瘍嘔逆喉痺頭痛噬腫耳聾
血溢內爲癰癰

此言客初氣君火勝客二氣溼土勝客三氣相火勝也所
見皆溼熱病而熱甚於溼

主勝則胸滿欬仰息甚而有血手熱

此言主時三氣木火勝客也風勝則氣逆熱勝則營傷
少陽之客以鹹補之以甘寫之以鹹熅之

鹹補甘寫與子午少陰司天同鹹熅者經曰心欲熅急食
鹹以熅之君相皆火故其治同也

火位之主

甘瀉鹹補治亦同子午司天

少陽在泉

此以巳亥歲半以下客主之氣有勝無復言也

客勝則腰腹痛而反惡寒甚則下白濁白

此言客四氣君火勝客五氣溼土勝客終氣相火勝也火居陰分溼亦化熱故諸見溼熱之病

主勝則熱反上行而客於心心痛發熱格中而嘔少陰同候此言主時土金水三氣勝客也此與少陰同爲陰盛格陽少陽之客

鹹補甘瀉治與子午少陰司天同鹹熈治與寅申少陽司

天同

火位之主

甘瀉鹹補治亦同子午司天

陽明司天

此以卯酉歲半以上客主之氣無勝無復言也

清復內餘則欬衄噎塞心膈中熱欬不止而白血出者死

此獨不言客主之勝者以燥金之客加於木火之主金居火位客不勝主而清氣鬱極必發益以木火熱邪充斥肺津大傷白涎白液皆爲白血營氣衰而血不及化故主死也三氣卽司天之位故清氣有餘與太陽之在泉同

陽明在泉

此以子午歲半以下客主之氣有勝無復言也

客勝則清氣動下少腹堅滿而數便寫

此言客四氣溼土勝客五氣相火勝客終氣燥金勝也溼勝則便泄火勝則便數燥勝則腹堅滿終氣在泉之位故清氣下動

主勝則腰重腹痛少腹生寒下爲鶩溇則寒厥於腸上衝胸中甚則喘不能久立

此言主時土金水三氣勝客也水溼勝則腰重腹痛便溇金勝則下病腸府上病肺經也

陽明之客以酸補之以辛寫之以苦泄之

酸補辛瀉與主氣同苦泄者經曰肺苦氣上逆急食苦以泄之肺本金藏陽明爲燥金故治略同

金位之主其寫以辛其補以酸

金性收辛則反其性而散之故曰瀉金欲收酸則順其氣而收之故曰補經曰肺欲收急食酸以收之用酸補之辛瀉之卯酉年陽明司天客主之氣無勝無復故陽明之治繫於是年在泉條下

太陽司天

此以辰戌歲半以上客主之氣有勝無復言也

客勝則胸中不利出清涕感寒則欬

此言客初氣相火勝客二氣燥金勝客三氣寒水勝也火勝則胸中不利燥勝則鼻中不利寒勝則喉中不利

主勝則喉噎中鳴

此言主時木火三氣勝客也主客惟火同氣而火因寒覆故陽氣欲達而喉噎中作水聲

太陽之客以苦補之以鹹寫之以苦堅之以辛潤之

苦補鹹瀉與主氣同辛潤者經曰腎苦燥急食辛以潤之腎本水藏太陽爲寒水故治略同

水位之主其寫以鹹其補以苦

水性凝鹹則反其性而爽之故曰瀉水欲堅苦則順其氣而堅之故曰補經曰腎欲堅急食苦以堅之用苦補之鹹瀉之太陽在泉無勝無復故經無治法

太陽在泉

此以丑未歲半以下客主之氣無勝無復言也

寒復內餘則腰尻痛屈伸不利股脛足膝中痛

此獨不言客主之勝者以水居水位兩不相勝也然以寒水之客而加於土金之主重陰氣盛故寒氣有餘於內也

世補齋醫書 內經運氣病釋六

元和陸懋修九芝輯 子 洞庠鳳石參校

至真要大論篇

厥陰之勝

此言風木氣勝而土受制也

民病耳鳴頭眩憤憤欲吐胃脘如寒

此風木之動木邪傷胃胃虛如寒非眞寒也乃水飲也

眩脇氣并化而爲熱小便黃赤

此肝邪盛而化熱侵及小腸也

胃脘當心而痛上支兩脇甚則嘔吐噎咽不通

此木盛克土而胃病也

腸鳴飧泄少腹痛注下赤白

此以胃大腸皆屬陽明足經病而手經亦病也

厥陰之勝治以甘清佐以苦辛以酸寫之

甘爲土味清爲金氣土金相生則木有制而土不受克矣
佐以苦辛苦爲火味以生土辛爲金味以制木木性條達
反其性而斂之故爲瀉

厥陰之復

此言木氣先受金制而旣乃復也

民病少腹堅滿裏急暴痛

此肝邪盛而氣急也

厥心痛汗發

此肝邪乘胃上陵於心而陽氣泄也

嘔吐飲食不入入而復出甚則入脾食痺而吐

此脾受肝傷故食入不化或入而氣閉不通吐出乃已也
筋骨掉眩清厥

此風氣盛而頭目顛運手足逆冷也

厥陰之復治以酸寒佐以甘辛以酸寫之以甘緩之

酸爲木味寒爲水氣木之正味其瀉以酸木火相生宜清
以寒也佐以甘辛者木盛土衰以甘補土辛從金化以辛

制木也酸寫甘緩皆木之正味而爲正治

少陰之勝

此言君火氣勝而金受制也

民病心下熱善饑齊下反動

此以少陰之脈起心中出屬心系下絡小腸而熱乘之也
氣游三焦嘔逆躁煩腹滿痛澹泄傳爲赤沃

此以熱盛包絡包絡之脈歷絡三焦而上中下俱病也赤
沃便血也

少陰之勝治以辛寒佐以苦鹹以甘寫之

辛爲金味寒爲水氣金水相生則火有制而金不傷佐以

苦鹹苦從火化以助其辛鹹從水化以助其寒也火性急速故以甘緩爲瀉

少陰之復

此言君火先受水制而既乃復也

民病煥熱內作煩躁熱噦噤燥少腹絞痛分注時止

此火炎上而在喉火陷下而居腎大腸分小便之水津而時止時作也

氣動於左上行於右欬暴瘡皮膚痛

此以肺主音聲外合皮毛而受火之傷也

心痛鬱冒不知人通洒淅惡寒振慄譫妄

此心邪自實神明內亂熱極則生寒非真寒也

寒已而熱渴而欲飲少氣骨痠隔腸不便浮腫噦噫

此寒已而復見真熱也譫妄甚故少氣振慄甚故骨痠陰

陽水火不交會於中土故氣阻而外內交病

痲疹瘡瘍癰疽瘰癧甚則入肺欬而鼻淵

此熱甚傷肺不外越於皮毛卽內入於肺經也

少陰之復治以鹹寒佐以苦辛以甘寫之以酸收之辛苦發之以鹹熨之

鹹爲水味寒爲水氣制以其所不勝也佐以苦辛發不違熱也甘酸以瀉火而斂浮熱苦鹹以散火而解熱結

太陰之勝

此言溼土氣勝而水受制也

民病火氣內鬱瘡瘍於中流散於外

此以寒溼外甚則心火內鬱從中以達於皮膚之外也

病在肱脇甚則心痛

此謂其瘡瘍在肱脇之皮膚若不流散於外則毒歸於內以心脈出於腋下而起於心中也

熱格頭痛喉痺項強

此謂熱勝而格於上也

獨勝則溼氣內鬱寒迫下焦痛留頂互引眉間頭重腰腫重

強

此謂無熱而溼獨勝也無熱則爲寒溼而下與太陽寒水氣合故其所病皆爲太陽經脈所行之路

胃滿少腹滿內不便善注泄足下溫足脛胫腫飲發於中胛腫於上

此則寒溼合病而滯於中下也飲發則水又與溼合而上行矣

太陰之勝治以鹹熱佐以辛甘以苦寫之

鹹爲水味熱爲火氣溼熱則以鹹化之寒溼則以熱治之溼勝則土寒辛能溫土甘能補土故佐以辛甘若溼勝而

土實則以苦瀉之土之正味其瀉以苦也

太陰之復

此言土氣先受木制而既乃復也

民病體重中滿食飲不化

此土邪盛而自傷同氣也

胸中不便飲發於中欬喘有聲

此陰氣上逆脾淫侵肺也

頭頂痛重而掉瘰尤甚

此淫在三陽筋脈濡爽也

嘔而密默唾吐清液

此寒溼內動也

甚則入腎竅寫無度

此土邪傳腎腎開竅於二陰而門戶不要水泉不藏也

太陰之復治以苦熱佐以酸辛以苦寫之燥之泄之

苦爲火味熱爲火氣苦瀉土熱燥溼也佐以酸辛者惟木生火火不足則佐以酸惟金生水火太過則佐以辛也土位之主其瀉以苦瀉以奪其實燥以勝其溼泄以利其水也

少陽之勝

此言相火氣勝而金受制也

民病熱客於胃煩心心痛目赤欲嘔酸耳痛

此客熱行於上焦故所見病多在上也

善飢善驚譫妄

此客熱行於中焦而火盛傷陰也

少腹痛溺赤下沃赤白

此客熱行於下焦也赤白有氣血之分大便曰利小便曰濁

少陽之勝治以辛寒佐以甘鹹以甘瀉之

辛爲金味寒爲水氣金水相生則火有制而金不傷佐以甘鹹甘能瀉火鹹能泄熱也以甘瀉之者甘能除大熱也

少陽之復

此言相火先受水制而既乃復也

民病驚癰欬衄心熱煩躁便數憎風

此火乘心肺表裏交熱也

面如浮埃目眇瞶癰上爲口糜嘔逆血溢血泄

此厥氣上行火氣內發故形色變而逼血妄行也

發而爲癰惡寒鼓慄噬絡焦槁渴引水漿少氣脈萎

此風火相薄陰陽相并寒極而熱津液涸氣血傷也

色變黃赤化而爲水傳爲肘腫

此氣蒸熱化水道不通故溺色變而浮腫如泥也

甚則入肺欬而血泄

此以火盛克金而血溢於肺也

少陽之復治以鹹冷佐以苦辛以鹹寒之以酸收之辛苦發之

鹹爲水味冷爲水氣制以所不勝也佐以苦辛發散其熱苦從火化火氣虛則佐以苦辛從金化火氣盛則佐以辛而又必鹹寒以解熱之結酸收以斂熱之浮辛苦發之所以申發不遠熱毋犯寒涼之意也當與少陰參看

陽明之勝

此言燥金氣勝而木受制也

民病清發於中左脇痛滯泄

此金盛木鬱而清邪陷於下也

內爲噎塞外發癰疽

此肝木受病而清氣上下行也

胸中不便噎塞而欬

此以燥勝則肺氣欽而失其治節也胸中肺之所居

陽明之勝治以酸溫佐以辛甘以苦泄之

酸爲木味溫爲火氣木火相生則金有制而木不傷陽明有燥金之氣有清金之氣燥氣而有餘則辛以散之清氣而不足則甘以滋之苦從火化能泄其燥邪也

陽明之復

此言金氣先受火制而既乃復也

民病生肱脇氣歸於左善太息

此金氣盛而肝傷則木爲之鬱肝陽不升膽亦病也

甚則心痛否滿腹脹而泄嘔苦欬噦煩心病在鬲中

此清氣太過陽明氣逆心胃生寒而皆病也

頭痛甚則入肝驚駭筋攣

此金氣乘肝也厥陰肝脈上額與督脈會於巔

陽明之復治以辛溫佐以苦甘以苦泄之以苦下之以酸補之

辛爲金味溫爲火氣瀉金以辛勝清以溫也苦以制金甘以生金故佐以苦甘而又苦泄以開燥結酸補以斂津液下亦泄也

太陽之勝

此言寒水氣勝而心受制也

民病痔瘡發

此以太陽經脈貫腎故痔發以邪正分爭而寒熱互作故瘡發皆寒勝火鬱之病也

寒厥入胃內生心痛

此寒入胃胃脘當心而痛胃脘在心下故曰心痛

陰中酒瘍隱曲不利互引陰股

此以太陽之脈絡腎屬膀胱故也

筋肉拘苛血脈凝泣絡滿色變或爲血泄

此筋肉血脈得寒而痺經虛則絡滿血凝則下泄也

皮膚否腫腹滿食減

此水病之內外分見者也

熱反上行頭項凶頂腦戶中痛目如脫寒入下焦傳爲滿寫
此水病之上下分見者也

太陽之勝治以甘熱佐以辛酸以鹹寫之

甘爲土味熱爲火氣火土相生則水有制而火不散佐以

辛酸辛散寒邪之實酸收心氣之傷也水之正味其瀉以鹹

太陽之復

此言水氣先受土制而既乃復也

民病心胃生寒胸膈不利心痛否滿

此寒在膈間而上下之氣不得通利也

頭痛善悲時眩仆食減

此寒併於上而陽神虛清陽失守不能熟腐水穀也

腰膝反痛屈伸不便

此寒歸水藏而太陽經脈自病也

少腹控臍引腰脊上衝心

此寒客三陰而上侵君火也

唾出清水及爲噦噫

此寒水侮土胃脘無陽也

甚則入心善忘善悲

此寒甚乘心心藏神而神不足也

太陽之復治以鹹熱佐以甘辛以苦堅之

鹹爲水味熱爲火氣瀉水以鹹治寒以熱也佐以甘辛甘以制水辛能散寒也經曰腎欲堅急食苦以堅之

世補齋醫書 內經運氣病釋七

元和陸懋修九芝輯

子 潤庠鳳石參校

至真要大論篇

諸風掉眩皆屬於肝

此言肝之標爲足厥陰而其本風也

諸暴強直皆屬於風

此言足厥陰肝經之病風氣通於肝也

諸痛痒瘡皆屬於心

此言心之標爲手少陰而其本熱也

諸熱瞀瘵皆屬於火

此言手少陰心經之病熱氣通於心也心君火也

諸溼腫滿皆屬於脾

此言脾之標爲足太陰而其本溼也

諸脹腹大皆屬於熱

此言足太陰脾經之病溼氣通於脾而化爲熱也

諸氣臍鬱皆屬於肺

此言肺之標爲手太陰而其本燥也

諸病有聲鼓之如鼓皆屬於熱

此言手太陰肺經之病諸氣通於肺也有聲者欬喘之類

諸寒收引皆屬於腎

此言腎之標爲足少陰而其本寒也

諸病水液澄澈清冷皆屬於寒

此言足少陰腎經之病寒氣通於腎也

諸瘕項強皆屬於溼

此言足太陽膀胱之病也膀胱爲水溼之府故屬於溼

諸躁狂越皆屬於火

此言足陽明胃經府之病也胃經胃府皆爲燥金熱甚則

胃陰亡故亦屬火

諸嘔吐酸暴注下迫皆屬於熱

此言足少陽膽經之病也少陽爲相火故屬於熱

諸轉反戾水液渾濁皆屬於熱

此言手太陽小腸之病也太陽本寒而標則陽故亦屬熱諸病腑腫疼酸驚駭皆屬於火

此言手陽明大腸之病也大腸爲胃府經熱入府遂爲火證故屬於火

諸痿喘嘔皆屬於上

諸厥固泄皆屬於下

此言手少陽三焦之病也三焦之氣游行上下而治必取諸中焦中安而上下皆安也痿屬心肺厥屬腎肝

諸禁鼓慄如喪神守皆屬於火

此亦三焦之火獨盛於中卽陽明所見眞熱之病亦卽厥陰所見假寒之病所以口噤肢慄似屬於寒而實皆屬於火也

諸逆衝止皆屬於火

此言手厥陰心包絡之病也心包代君受邪故亦屬火故大要曰謹守病機各司其屬有者求之無者求之盛者責之虛者責之必先五勝疏其地氣令其調達而致和平此之謂也

此引古經大要之言以明十九條之病機各有所屬也經何以言有者求之無者求之有無皆以證言人但知有是

證之爲病而不知無是證之爲病或隱伏也故旣於有者求之尤當於無者求之也經何以言盛者責之虛者責之盛謂邪已實邪而實不可不知虛謂邪未實邪未實尤不可不知也故旣曰盛者責之而又必曰虛者責之也虛曰責之不曰補之謂必審其爲實而後可瀉耳

辛甘發散爲陽酸苦湧泄爲陰鹹味涌泄爲陰淡味滲泄爲陽六者或收或散或緩或急或燥或潤或莖或堅以所利而行之調其氣使其平也

此言十九條之病機總以調之使平爲治凡宜發散則用辛甘宜涌泄則用酸苦宜涌泄宜滲泄則用鹹與淡者皆

治也皆所以疏其氣使調達而致和平也以見不疏其氣
卽不調達而不和平也治病之法宜何從乎而謂病機可
不審乎

經何以於十九條內獨不言燥以燥本屬寒而毗於寒則
爲寒毗於火卽爲火易所以謂火就燥也況諸暴強直風
亦致燥諸痿項強溼亦化燥燥無定也則凡十九條皆可
以求燥也豈是獨遺燥耶